

Vischnaunca da Breil

Reglament per menar atras ina megliaeraziun generala sin territori dils vischinadis

I. Determinaziuns generalas

Art.	1	Finamira	4
	2	Cumissiun da meglieraziun	4

II. Cumpetenzas dils organs communal

	3	Votaziun all'urna	4
	4	Radunonza communal	5
	5	Suprastonza communal	5
	6	Cumissiun da meglieraziun	5

III. La cumissiun da schazetg

	7	Cumissiun da schazetg	7
	8	Cumpetenzas dalla cumissiun da schazetg	7

**IV. Exposiziuns publicas,
protestas e recuors**

	9	Exposiziuns publicas	7
	10	Protestas	8
	11	Recuors	8

V. Finanziaziun

	12	Contribuziun	8
	13	Quen	8

I. Determinaziuns generalas

Art. 1

Finamira

Per mantener e promover ina agricultura sauna meina la vischnaunca da Breil atras, sefundond sin igl art. 17 dalla lescha da meglieraziun dil cantun Grischun dils 05 d'avrel 1981, ina meglieraziun funsila generala sil territori dils vischinadis che han entras decisiun dalla vischnaunca da Breil concludiu ina tala. Quest reglament norma las competenzas dils organs communal e la separicipaziun finanziala dalla vischnaunca vid ils cuosts dalla meglieraziun. Per regulaziuns ch'ein buca circumscrettas en quest reglament valan las ordinaziuns dalla vischnaunca e dil cantun (constituiziun, lescha da meglieraziun, etc.).

Art. 2

Cumissiun da meglieraziun

Per descargar la suprastonza communal e per segirar la continuitad dall'interpresa elegia la vischnaunca ina cumissiun da meglieraziun. Quella secumpona ord in president e quater commembers. Mintga vischinadi sto esser representaus en la cumissiun cun silmeins in commember. La cumissiun da meglieraziun seconstituescha sesezza enten dessignar in vicepresident ed in actuar. En quella cumissiun san era persunas vegnir elegidas, che han buca domicil ella vischnaunca da Breil.

II. Cumpetenzas dils organs

Art. 3

Votaziun all'urna

Alla votaziun all'urna ein las suandontas fatschentas delegadas:

1. Elecziun da treis commembers dalla cumissiun da meglieraziun, excepiu president e delegau da suprastonza, tenor modus d'elecziun pils officials communal.
2. La reelecziun dils treis commembers dalla cumissiun ni ina elecziun d'ina eventuala vacanta sa vegnir fatga a caschun dallas elecziuns communalas.
3. Approbaziun dil credit total ed eventuals credits supplementars.

Art. 4

Alla radunonza communal ein las suandontas fatschentas delegadas:

Radunonza communal

1. Approbaziun da quest reglament ed eventualas midadas
2. Elecziun dil president dalla cumissiun da meglieraziun
3. Elecziun dils dus commembers e dils dus suppleants dalla cumissiun da schazetg
4. Decisiun sur da cessiuns da terren supplementars per objects publics d'in legitimau per expropriaziun e sur dalla altezia dalla indemnisaziun (art. 26/27 lescha da meglieraziun)
5. Approbaziun dils principis per la repartiziun dils cuosts
6. Approbaziun dil quen annual e final da meglieraziun.

Art. 5

La suprastonza communal:

Suprastonza communal

1. Elegia ord il gremium da suprastonza in commember en la cumissiun da meglieraziun
2. Elegia ensemen cun la cumissiun da meglieraziun in planisader competent
3. Decida ensemen cun la cumissiun da meglieraziun tgei istanza che meina il quen dalla meglieraziun
4. Prepara tut las fatschentas per mauns dalla radunonza communal
5. Decida sur da tuttas fatschentas che crodan buca en cumpetenzza d'in auter organ (art. 14 alinea 2 dalla lescha da meglieraziun).

Art. 6

La cumissiun da meglieraziun ei cumpetenta da decider sche silmeins treis commembers ein presents. Ella:

Cumissiun da meglieraziun

1. Meina e diregia l'interpresa
2. Surdat las lavurs e siara ils contracts correspondents
3. Elegia ensemen cun la suprastonza communal in planisader competent

4. Ordeina il scamond per midadas giuridicas ed effectivas vid il schischom tenor art. 20 dalla lescha da meglieraziun e concluda sur da lubientschas en quei connex
5. Eruescha ensemen cun il planisader responsabel ed il cudisch funsil il possess vegl (art. 32 lescha da meglieraziun)
6. Decida sur dall'altezia dils pagamenti annuals dils proprietaris da terren pertuccai
7. Fixescha il supplement dalla valeta commerciala per repartiziuns augmentadas ni sminuidas
8. Concluda l'altezia dalla deducziun generala
9. Fa la repartiziun nova e decida d'eventualas midadas
10. Fixescha il termin dalla surprida dil possess niev (surprida dalla cultivaziun)
11. Prepara tut als fatschentas resalvadas alla radunonza communal ni surpastonza per mauns dalla suprastonza communal
12. Sto menar protocol da tut sias sesidas e surdar mintgamai ina copia da tal alla suprastonza communal
13. Propona agl uffeci da meglieraziun cantunal eventualas midadas dil territori cumpigliu
14. Decida en rama dils credits che stattan a disposiziun co procurar e co far diever dils mieds finansials
15. Regla il manteniment
16. Cumpra e venda terren egl interess dalla meglieraziun generala e siara contracts d'affittaziun
17. Tschenta la damonda da subvenziun agl uffeci da meglieraziun e mesiraziun cantunal e decida sur l'approbaziun dallas cundiziuns da subvenziun
18. Relai in reglament per l'arrundaziun da terren che vegn schaus vi per tscheins e decida sur dalla attribuziun
19. Propona igl acquist da proprietad vid il niev terren alla regenza (art. 36 lescha da meglieraziun) ed annunzia il niev stan da possess al cudisch funsil per la registraziun
20. Il president ed il vicepresidente segnan ensemen ni cun in ulteriur commember dalla cumissiun

21. Segida cun la suprastonza communal d'encurir tier instanzas, uniuns ed organisaziuns entras padrinadis ni auter, sustegns finansials per cuvierer ina cumpart dils cuosts restonts.

III. La cumissiun da schazetg

Art. 7

La cumissiun da schazetg secumpona ord in parsura che vegn numnaus dil departement digl intern e d'economia ed ord dus commembers e dus suppleants (art. 16 lescha da meglieraziun).

Cumissiun da schazetg

Art. 8

La cumissiun da schazetg:

Cumpetenz cumissiun da schazetg

1. Retscheiva las protestas
2. Fa ils differents schazetgs
3. Ordeina ils principis per la repartiziun dils cuosts da baghegiar e da manteniment, aschilunsch ch'ils pertuccai s'accordan buca en quei fatg
4. Reparta ils cuosts
5. Meina las contractivas d'entelgientscha e decida sur las protestas
6. Elegia in protocollist

La cumissiun da schazetg sto menar protocol sur tut sias sesidas.

IV. Exposiziuns publicas, protestas e recuors

Art. 9

Las publicaziuns ufficialas dalla cumissiun da meglieraziun tenor art. 38 dalla lescha da meglieraziun vegnan publicadas digl uffeci da meglieraziun e mesiraziun cantunal el feagl ufficial dil cantun sco era el feagl ufficial dalla Surselva.

Exposiziuns publicas

La cumissiun da meglieraziun sto informar ils proprietaris da terren pertuccai entras exposiziuns publicas conform agl uorden. Proprietaris da terren ch'ein sesents en vischnaunca san vegnir orientai sco usitau (feagl ufficial dalla Surselva, excepziunalmein sin tabla nera), proprietaris d'ordvart ston vegnir orientai a scret. Plinavon sa la cumissiun organisar seras d'informaziun el vischinadi pertuccau pils possessurs da terren e quei tenor basegns.

Protestas **Art. 10**
Encunter tuttas disposiziuns dalla suprastonza communal e dalla cumissiun da meglieraziun en connex cun la meglieraziun generala, san ils pertuccai protestar duront il temps da publicaziun ni enteifer 20 dis naven dalla remessa dalla disposiziun, a scret e motivau tier la cumissiun da schazetg.

Recuors **Art. 11**
Encunter conclus e decisiuns dalla radunonza communal e dalla cumissiun da schazetg san ins recuorer tenor las disposiziuns dalla lescha davart la dertgira administrativa enteifer 20 dis tier la dertgira administrativa dil cantun Grischun.

V. Finanziaziun

Contribuziun **Art. 12**
La meglieraziun vegn finanziada entras subvenziuns federalas e cantunalas, contribuziuns dils possessurs e contribuziuns da tiarzas personas ed instanzas sco era dalla vischnaunca da Breil.

Quen **Art. 13**
Il quen dalla meglieraziun sa vegnir menaus entras la canzlia communal.

Decidiu ed approbau dalla seduta dil cussegl dils 25 da mars 1992.

En num dil cussegl da vischnaunca:

Il president: *Toni Maissen*

Il vicepresidente: *Andreas Pfister*

Sura reglament ei approbaus dalla radunonza communal dils 11 d'avrel 1992.

En num dalla suprastonza communal:

Il president: *Sep Cathomas*

Igl actuar: *Fridolin Cahenzli*